

**Қазақстан Республикасы Үкіметінің жанындағы шетелдегі отандастармен мәдени-гуманитарлық байланысты дамыту жөніндегі ведомствоаралық комиссия туралы**

***Күшін жойған***

Қазақстан Республикасы Премьер-Министрінің 2019 жылғы 11 маусымдағы № 106-ө өкімі. Күші жойылды - Қазақстан Республикасы Үкіметінің 2022 жылғы 29 сәуірдегі № 268 қаулысымен

**Ескерту. Күші жойылды - ҚР Үкіметінің 29.04.2022 № 268 қаулысымен.**

Шетелдегі отандастармен мәдени-гуманитарлық байланысты дамыту мәселелері бойынша ұсыныстар әзірлеу мақсатында:

1. Осы өкімге қосымшаға сәйкес құрамда Қазақстан Республикасы Үкіметінің жанындағы шетелдегі отандастармен мәдени-гуманитарлық байланысты дамыту жөніндегі ведомствоаралық комиссия (бұдан әрі – Комиссия) құрылсын.

2. Қоса беріліп отырған Комиссия туралы ереже бекітілсін.

*Премьер-Министр*

*А. Мамин*

Қазақстан Республикасы  
Премьер-Министрінің  
2019 жылғы 11 маусымдағы  
№ 106 өкіміне  
қосымша

**Қазақстан Республикасы Үкіметінің жанындағы шетелдегі отандастармен мәдени-гуманитарлық байланысты дамыту жөніндегі ведомствоаралық комиссияның құрамы**

Қазақстан Республикасы Премьер-Министрінің орынбасары, төраға;

Қазақстан Республикасының Ақпарат және қоғамдық даму министрі,  
төрағаның орынбасары;

Қазақстан Республикасы Ақпарат және қоғамдық даму министрлігі  
Этносаралық қатынастарды дамыту департаментінің директоры, хатшы;

Қазақстан Республикасының Ұлттық қауіпсіздік комитеті төрағасының  
орынбасары (келісу бойынша);

Қазақстан Республикасы Сыртқы істер министрінің бірінші орынбасары;

Қазақстан Республикасы Ішкі істер министрінің бірінші орынбасары;

Қазақстан Республикасы Бас прокурорының орынбасары (келісу бойынша);

Қазақстан Республикасының Ақпарат және қоғамдық даму вице-министрі;

Қазақстан Республикасының Әділет министрінің орынбасары;

Қазақстан Республикасының Еңбек және халықты әлеуметтік қорғау вице-министрі;

Қазақстан Республикасының Ұлттық экономика вице-министрі;

Қазақстан Республикасының Білім және ғылым вице-министрі;

Қазақстан Республикасының Қаржы вице-министрі;

Қазақстан Республикасының Мәдениет және спорт вице-министрі;

Қазақстан Республикасы Президентінің Әкімшілігі Ішкі саясат бөлімі меңгерушісінің орынбасары (келісу бойынша);

Қазақстан Республикасы Қауіпсіздік Кеңесінің Талдау бөлімі секторының меңгерушісі (келісу бойынша);

"Отандастар қоры" коммерциялық емес акционерлік қоғамының вице-президенті (келісу бойынша)

Қазақстан Республикасы  
Премьер-Министрінің  
2019 жылғы 11 маусымдағы  
№ 106 өкімімен  
бекітілген

**Қазақстан Республикасы Үкіметінің жанындағы шетелдегі отандастармен мәдени-гуманитарлық байланысты дамыту жөніндегі ведомствоаралық комиссия туралы ереже**

**1. Жалпы ережелер**

1. Қазақстан Республикасы Үкіметінің жанындағы шетелдегі отандастармен мәдени-гуманитарлық байланысты дамыту жөніндегі ведомствоаралық комиссия (бұдан әрі – Комиссия) Қазақстан Республикасы Үкіметінің жанындағы консультативтік-кеңесші орган болып табылады.

2. Комиссия қызметінің мақсаты шетелде тұратын отандастармен мәдени-гуманитарлық байланысты дамытуға ықпал ету болып табылады.

3. Комиссия өз қызметінде Қазақстан Республикасының Конституциясын, Қазақстан Республикасының заңдарын, Қазақстан Республикасының Президенті мен Үкіметінің актілерін, өзге де нормативтік құқықтық актілерді, сондай-ақ осы Ережені басшылыққа алады.

4. Қазақстан Республикасының Ақпарат және қоғамдық даму министрлігі Комиссияның жұмыс органы болып табылады.

5. Комиссияның отырыстары қажеттілігіне қарай өткізіледі.

**2. Комиссияның міндеттері**

6. Осы Ереженің 2-тармағында көрсетілген мақсаттарды іске асыру үшін Комиссия мынадай:

1) шетелдегі отандастармен мәдени-гуманитарлық байланысты жетілдіру және дамыту жөнінде ұсыныстар мен ұсынымдар әзірлеу;

2) шетелдегі отандастармен мәдени-гуманитарлық байланысты дамыту саласында мемлекеттік органдардың қызметін үйлестіру міндеттерін жүзеге асырады.

### **3. Комиссияның қызметін ұйымдастыру**

7. Комиссия жұмысының ұйымдастырылуы мен тәртібі Қазақстан Республикасы Үкіметінің 1999 жылғы 16 наурыздағы № 247 қаулысымен бекітілген Қазақстан Республикасы Үкіметінің жанындағы консультациялық-кеңесші органдар мен жұмыс топтарын құру тәртібі, қызметі мен таратылуы туралы нұсқаулыққа сәйкес жүзеге асырылады.